



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Anima conturbata in extremis, quomodò se consoletur. tit. 244

urn:nbn:de:hbz:466:1-29452

*ANIMA CONTURBATA IN**extremis, quomodo se consoletur.*

TITVLVS CCXLIIII.



Rimò, angustiata anima de peccatis & timore damnationis, ante omnia debet recurrere & cogitare, propter quid Deus velit misereri peccatorum, & donare salutem, an hoc propter nostram sanctam vitam, meritum bonorum operum, & iustitiam &cæt. An gratis propter Iesum Christum filium suum, quem fecit victimam pro peccatis nostris, Esa. 53 & in illū posuit peccata nostra, & tunc debet concludere, & credere scripturis, quæ ubiq; docent, quòd causa ppter quā Deus vult misereri, Christus est, non nostra iustitia legis, Rom. 3 quem cōstituit propitiatorum in sanguine suo, 1. Ioann. 2. Ipse est propitiatio pro peccatis totius mundi, Ioan. 3. vt omnis qui credit in illū, non pereat. Summa, causa misericordiæ & salutis est Christus. Subindè, causa damnationis est infidelitas. Ioan. 3. Qui non credit, iam iudicatus est, quia non credit in nomine vnigeniti filij Dei.

Iste ergo est primus gradus, quo se turbata conscientia erigit, ne desperet in peccatis, quandò intelligit causam, cur Deus saluet aut damnet, & sic non ad partem latronis, Luc. 22. declinet, sed nec de propria iustitia efferatur, nec cum sinistro latrone desperet, sed intueatur in medio Christū pendentem, qui ideo cruci est affixus, vt sit ijs, qui credūt, causa misericordiæ atq; salutis. Hæc est magna consolatio, scire causam iustificationis & salutis.

Secundò, cognito hoc, quòd Deus propter Christum vult saluare, tunc vltra oportet animam angustiata Deo proponere Christum, & meritum victimæ suæ, dicendo: Domine Deus, tu fecisti filium tuū hostiā pro peccato meo, vt propter ipsum essem corā

te iustus, sicut dicit Apostolus 2. Corinth. 5. Eum qui non nouerat peccatum, pro nobis fecit peccatum, ut nos iustitia Dei efficeremur in ipso. Et domine Deus, Fateor me esse meritò maledictum, & damnatione dignum, si vitam meam excussero: attamen propono tibi illum, qui pro nobis factus est maledictum, Galat. 3. Hanc victimam tibi Deus propono & rogo propter eum digneris nostri miserere, iuxta tuam promissionem, in quo complacuit tibi omnia reconciliari, Colossens. 1. Iste est secundus gradus, quo anxiosa anima consolatur, nè desperet: idè firma fide tenere debet, quod Deus hoc facit, acceptat victimam filij, & nostri miseretur sicut fecit mulieri, Luc. 7.

Tertiò, hoc in mente teneat firmissimè, Mat. 11. Venite ad me omnes, qui laboratis & onerati estis, nihil te moueat prædestinatio, dignitas vel indignitas tua, sed certus sis, quia tibi Christus dedit fidè, ergo es de numero saluandorum, & quia propter meritum victimæ suæ vult dare vitam, nihil te moueat, sed dote de peccatis admissis & crede, Marc. 1. Pœnitentini, & credite Euangelio & sic te commendes in manus Dei, sicut dicit Psalm. 36. In manus tuas commendo spiritum meum. Relinque mundo, quæ mundi sunt.

MORIENTIBUS CUR SACRAMENTA PORRIGANTUR.

TITVLVS CCXLV.

Primò notandum, quòd tria terribilia inuadunt & angustiant animam ante exitum. Primò mors, quæ separat nos à charis amicis & mundo: Secundò peccatum, quod separat à Deo: Tertiò, infernus, qui cruciat aeternaliter. Primum est terribile. Secundum, terribilius. Tertium, terribilissimum. Hæc Dicitur